

谱序 七修新序

夫族之有谱，它记载一族之史，承载一族分脉。树有根，根固则枝繁叶茂；水有源，源远流则奔流不息。自定才公开基以来，其起源发展、繁衍生息、迁徙演变及重大事件皆载入族谱。只有族谱记述详细，才能理清族之支脉系派，本族后世才有根有脉，循而有序，承前启后，继往开来。

吾杨姓得姓于西周，自受姓始至今三千余载矣。绵绵瓜瓞，蛰蛰螽斯，英才辈出。今择其要者，志述褒扬：坚公一统中华，兴科举，开创帝业；震公清廉，存四知之畏，著万世之誉；令公善战，建平辽之功，树满门忠烈；时公程门立雪，称理学儒尊，载道南归。述不胜述，先祖风范，若非谱牒记述，何以概悉。试瞻今世，有原国家主席杨尚昆、开国上将杨勇、杨成武、杨得志、杨至成等等。实可谓人才济济，彪炳千秋。

夫族谱者，叙族人根源、世系、流布、功业、名人事迹，千古兴衰之况。荟萃家族血缘纲派，先祖丰功伟业、硕德逸事。以至继宗旒、承祖考，辨亲疏，明血统。知己之宗，晓亡之源也。凡家族繁衍昌盛，子孙益多，则祖宗益远。若不修谱，后嗣萍水相逢，或成陌路，

亲者胡以睦，疏者胡以联。故族谱非修不可也。然修谱之重要目的，旨在通过血 吾开基祖定才公者，系谿公第十八世裔孙也。祖籍江西省南昌县铁树宫棉花街，自元季至正二十五年乙酉（公元一三六五年）迁浏阳南乡柞木岑，至今六百五十余载，繁衍二十四代，人丁达六千余众。聚族于文家市，中和以至浏阳各乡镇。其外迁者则流布于贵州清镇、花溪、大龙滩、大方、织金，雲南昭通，江西萍乡芦溪县路行乡罗家塘，广州韶关，攸县黄丰桥招村，以及长沙、湘潭、甘肃、台湾、北京、黑龙江、云南、四川、天津以及海外美国、法国等处。子孙遍布神州，散居全国及东南亚各地。

今际鸿均，盛世修谱。宗胞孝亲敬祖之心，木本水源之思油然而兴焉。为彰显家族之风貌，以尊祖、敬宗、睦族为宗旨。尊祖必修『谱牒』，敬宗必建『祠堂』，睦族需办『祭祀、赈济、兴学』。适乙未（二〇一四年）冬至，族委会换届，选举产生新一届族委会。以世早为族长、文松为常务副族长的本届族委会，先后前往贵州清镇、江西芦溪、攸县、黄丰桥、云南等处，行程往返两万多公里，联宗接支。族委会就商各支，通过几次会议，达成共识：七修族谱，兴建祠堂，双管齐下。

七修族谱要求：世系传承井然有序，昭穆叙述有条不紊，史料翔实可靠，文化内涵丰富，语言清晰流畅。既遵循谱之传统形式，又与时俱进彰显时代特色。谱牒系纪实性文件，不必虚浮矫饰，需详则详，需慎则慎，对世系源流对接必须达到简而准。真实地展示历史之本来面目。编纂一部同宗共祖，以血缘为纽带，记载本族世系和事迹的历史典籍，达到『存史、鉴古、资治、教化』之目的，使之成为一部鲜活的历史教科书，成为谱书百花园中的一朵奇葩。

谱牒的编纂，是一项纷繁复杂的系统工程，绝非顺手拈来之易事，赖智者献策、富者捐资、文者执笔、义者醵金、勇者效力方能成就。为编修谱牒，采编人员夜以继日笔耕不辍，其殷殷心血灿然其中矣，采编人员不辞辛劳，不计报酬，万分辛苦，值此谨致谢忱。

如今，捧读斯谱，究开基祖以来之远祖，知根乎一脉；对高曾祖以来之近族，知本乎一源。虽散居各地，俨若同堂。和睦相合共奋于鸿均和谐之世，则一昌而百和矣。

今国之强，族亦兴。吾族子孙，当弘扬杨氏忠君爱国、廉洁奉公，自强不息，诗书传家的精神，竭尽职责，共襄祖国之兴旺。秉溯本清源之义，敬宗收族之旨，倾尽全力，编修好谱牒，以慰先祖在天之灵，以合族人之意。族谱付梓，反映了家族血脉相承的执着信念，尊

祖敬宗的虔诚情怀，敦宗睦族的殷切愿望。族谱涵盖中华传统文化中尊祖敬宗之理念，潜移默化，折服人心，敦宗睦族齐心兴邦，民富国强势在必然。

企盼定才公之嗣孙践行为官者廉，为将者勇，为富者仁，为文者实，承『四知』家声，创历史新高。今族谱圆满面世，则吾宗可庆，吾族其兴。世代荣昌，吾族甚幸是为序。

杨氏定才公支系七修族谱编纂委员会

二十二世孙 文明 文松 沐手敬撰

时戊戌孟夏月谷旦

客序一

唐末时人，华阴杨谔，咸通进士，虞部侍郎，吉州刺史。为避战乱，居家庐陵，开基立业。九子传芳，五子云岫，潮阳刺史，卒于任所，柩归故居，路经汀州，停灵南岩，翌日起运，群蚁衔泥而墓，天作之合。子孙竖碑安葬，其后迁葬梅县。子孙造屋、庐墓而居，思（孝、恭、聪）三子、繁衍生息、耕读传家，均已出仕，遍布南方，迁徙南洋。思聪脉发，谔公始祖，传至定才，十世有八，吾祖定才，南昌迁徙，择地卜居，浏南开基，成家立业，德政、德星、二子承业。

立籍五都七甲，吾祖一脉，至此中兴。政公传生三子：仲容、仲鼎、仲良。星公传生四子：仲文、仲芳、仲虎、仲奇。仲容公一脉，在家繁衍；仲文行伍，就职威清卫，伍佰余年，音信全无，时任族长，世早为首，历经千辛，多次入黔，耗资无数，终得相见，归宗认祖，欢聚一堂，定居清镇，创立杨家庄，开枝散叶。理事成员，出资出力，集思广益，修葺旧祠，参修通谱，新建祠堂，以了夙愿。丙申仲夏，破土奠基，丁山癸向，群峰环抱，明堂开阔，朝山文峰，玄武来朝，青龙水去，东行数百，耀邦故居，风水宝地，吾族复兴。

杨家后裔、忠勇善战、盛名在外、明天啟变后、滇藩之乱、衡州称帝、国号大周，本姓来嘉，福州杨氏、清授湖广襄阳总兵，吴寇授伪将军职、强征苗裔，仲芳、仲虎、仲奇、万章、万选、万逊、万朝入伍，历时八年，马革裹尸、死伤多数。潘乱平后，牵连甚广、连坐连诛、逃亡避祸，至今未明，人丁锐减。

清朝末年，本支复东，十七裔孙，官授总兵，钦命平乱，对诀翼王，安顺自刎，覃恩诰授武显将覃恩晋授振威将军。纓甫裔孙，心怀苍生，信奉三民，追随国父，金兰结义，主持立法。

十九裔孙，开国上将，杨勇世骏，三杨开泰，名副其实，戎马一生，带兵作战，战功显赫。首都建设，功不可没，地方建设，举重若轻，历经动乱，诬陷迫害，忍辱负重，刚正不阿，重新复出，任劳任怨。青史留名，国人永记，族人楷模。

二零一六年九月二十日丙申岁 孟秋

长沙 杨金波

客序二

杨氏是源远流长，根深叶茂之世家旺族。遍布华夏，人口众多，国列第六。

杨氏得姓于西周，自受姓始至今，历时三千余载矣。名人志士，忠臣良将班班辈出，今择其要者，志述褒扬。汉有杨震公为官清廉，存『暮夜辞金』之畏，著万世之誉；隋有杨坚公一统中华，兴科举，凿大运河，开创帝业。宋有杨业公戍边保疆，建平辽之功，树满门忠烈。刚建有为，自强不息，精忠报国，清白传家，固为杨氏之传统美德矣。

开基祖定才公者，谥公之后裔也。原江西南昌府城内铁树宫棉花街。元至正二十五年由赣迁湘浏阳南乡柞木岭。躬耕陇亩，以农为业。至今达六百五十三年，繁衍二十四代，现有人丁六千余众。

定才公一脉自古至今人才辈出，佼佼者灿若群星，有才高八斗，学富五车，成理学正宗之载鹏，载鹤二公；有美名冠湘中之遂公，迪公；有为官清正廉明之荣清，荣浏，荣湛三公；清代有绍桢，常芳，复东三位先贤，钦任提督之职，荣授振威将军之銜；民国有纓甫公曾与孙中山先生同堂共商国事，世录公任陆军上将。共和国有杨勇公曾任中共中央书记部书记，

解放军副总参谋长。其夫人林彬系少将军衔，曾任解放军军事法院院长。勇之长子小平大校军衔，二子冀平少将军衔，三子北平在北京空军部队任要职等。悉为华夏之精良，吾族之英杰也。冀杨氏后贤，奋而效之，勇而超之哉。

今太平盛世，藉此良机，以世早，文松，暨诸贤率族众，崎岖跋涉，就商各支，分工从事，不辞辛劳，不计报酬，联浏阳，江西，贵州，云南各分支，七修族谱，已编撰成卷，迁徙繁衍，悉数了然。扬先世之清芳，成后人之方矩。集祖德宗功，家训家风，文化风采，诗文序跋于一炉，融存史，教化，资治一谱，极具文物保护，学术研究之价值，系谱之精品，牒之上乘。今国之强，族亦兴，定才公一支七修族谱面世，一座雄伟壮丽的祖祠巍然屹立于中和镇。双喜临门，可喜可贺。

凡公之嗣孙，当竭力同心，共襄祖国之复兴。祖恩浩荡，永发祥光，定当庇佑，有劳者寿，有功者福。祈公之嗣孙，秉『四知』家声，再创辉煌业绩。为官者廉，为将者勇，为文者实，为富者仁。定才公之后裔人兴财旺，欣欣向荣，蒸蒸日上。是以谨之记之，戊戌孟秋谷旦。

原序

家之有谱所以序昭穆别长幼承宗祧历久远其所系为甚重也夫人生于天原本乎祖故人不离乎天亦不忘乎祖祖犹木在山水在壑郁郁青青而嘉卉后发浩浩荡荡而横际无涯岂偶然哉上古之世未闻其有姓氏也自赐姓分封之法行而后姓氏因之著焉由是各原其派尊尊亲亲慎终追远而天伦于是乎攸序矣考之姓籍宏农郡系出姬姓周宣王子尚父受封于杨至叔向更封子孙杨氏而其为姓盖原于此若谱至于宋季欧苏二公创为谱法辩其祖宗之所自出别其子孙之所由分期功缌麻必服而相感冠昏祭祀必告而相赴敦睦之行莫切于斯谱之义大矣哉吾族旧有谱牒无奈先代遭兵燹谱牒无存然吾先人犹有祖父相传之典云我始祖才公系南昌府南昌县铁树宫绵花街自元季顺帝至正二十五年乙巳择地卜居浏阳南乡柞木岭成家立业传生二子德政德星迁于杨谷墩杉木桥田心立籍五都七甲此吾祖之所以兴也政公传生三子仲容仲鼎仲良星公传生四子仲文仲芳仲虎仲奇家号素封子孙繁衍分居上墩神背岭上容公自成化三年五年十一年十六年良公十四年共置田十三顷入九峰寺成化二十二年丙午岁夏六月立碑九峰寺至八世林公长房克思公徙居大岭上林公二房克念

公徙居仰山迨 熙朝顺治十三年均图补甲有县侯 徐公维岑见吾族粮共五百余硕 故易五都而列十三都编甲而得七八九焉 七甲户首杨兴保 八甲户首杨再兴即今七八两甲 克思公之裔是也 九甲户首杨再发即克念公 克禄公之裔是也 康熙甲寅寇变 吾族流寓他乡 田地荒芜 继而粤民张奇云黄胜等 先向族伯祖伟功等承批开垦 后藉奉旨安插 强佔合族熟田一百硕 伟功达云公等控县及道司院拨垦 之后差繁赋重 追呼日迫 田业遂如燕入他人家矣 嗟夫 旧谱已焚 于前者如是 而继于后者不可思所以尽其报本追远之道哉 汪不敏叨父之教颇习儒业 惓惓于斯曰 吾族复兴繁衍衣冠荣膺 均属容公一脉世远人繁 星罗散居 总谱未修 祠堂未建 宗支朦胧不一 将来同气之亲视若秦越 则后之人愈传愈渺 况于始祖之尤远耶 胞兄汉堂弟淮共勦阙事参考世代之迹甚详 自才公以上阙焉 无据也 以下列祖及 星公长子仲文为军役出于威清卫 仲芳仲虎仲奇万章万选万逊万朝之苗裔 因明季天启变后出外而未详焉 阙者非遗也 无据也 迄今前后相承弥远弥彰汇成一谱 使千百世之后子子孙孙迁徙之远 历代之久皆知为一气之分 藹然有恩以相爱 有礼以相敬而吉凶休咎益致其相庆相恤举 不失为亲亲尊尊之义人道几于是而立矣 诗曰 永言孝思 孝思维则 此之谓也 庶几千古 于斯不朽云

清乾隆三十年己酉谷旦 嗣孙荣汪 敬撰

原序

嘗思虞書垂亲睦之典 周詩著維城之文 則知聯族序班 古帝王之所以重明倫也 以物理論之一木也千枝万叶而同生 一本一水也千流万壑而同出一源 人于天地為最靈 則其自子孫而會元豈非一祖之所自出者哉我楊姓乃叔向之苗裔也 漢季以來華陰双環 祥征四世之庆 关西三鱣瑞兆三公之隆 史書所傳可尽述乎

始祖才公奮經營之远志 開堂构之宏規于元之季 自江西徙南楚 卜居是邦為我姓聚族之始 生子 政公 星公籍居此地成家置產至鵬公 鶴公更有加焉 自是以來忠厚相傳 清白世守 置產千余碩 周圍數十里建桥梁修功果計寺宇四十有八 一墩之田 尽屬我楊氏里人遂目是鄉為楊公墩焉慨 自康熙甲寅寇亂兵燹瘟疫流离奔竄 族中遺留者仅十居一二 先祖以宗祠虽廢 族譜不可失也 笥而篋之 置諸朽樹之內以為大平之后可启而視无何又為暴水所浸遂成朽蠹而墩之以楊公稱者今日楊古矣 我曾祖梯公深慮之以為譜之不存 宗親安在 蓋自杉木橋徙居沙溪 露宿風餐 艰苦备嘗至中年田產頗多 子孫繁庶 嘗欲手訂一冊畧述梗概 以示來茲 既而叹曰 欲叙事直書則嫡脉所存仅留一线欲稍為粉飾則又恐言之不詳而傳疑 實以滋疑也 于

是拔庄田十硕以作蒸尝后世子孙有能继吾此志者幸述其事焉 居恒悔恨未能读祖父之书以
光大门第效苏眉山欧阳庐陵故事徙使访 祖宗之邱墓俱杂孤坟野瘞弔先人之基址尽成蔓草
荒烟 虽有连枝共叶而覩面恆不相识贺召久不相赴及此时而不早为之计 将使后之视今亦犹
今之视昔 于是感激愤发首倡是举而 梯公所留蒸尝田今所存者仅二硕耳 酌令此田概归公所
又复一丁派银若干令各书祖父坟墓事行子孙名号生庚列为草谱上以详明 先世下以联我伯叔
昆弟幼子童孙序 昭序穆于兹在焉侧闻吾家之处南昌名人代作户计千余则異日因未求本从流
溯源尚将吴楚合一人文蔚起以鸣国家之盛庶几乎有光于四百余年之旧族矣

清乾隆四十年岁次乙未孟春月 谷旦

裔孙绍秉 谨识

旧序

黄河发源于星宿别出而为灊 长江发源于岷山别出而为沱 三江一源别而为松为婁为东是水之源一而其流分也 木之附土者为根荄 其身为桢幹发而为枝叶 蕃而为花实是木之本一而其末異也知其末流而忘其本源无以考其繇泊所由发畅茂所自来夫 祖宗者子孙之本源 子孙者祖宗之末流 详其条贯而究其始终 其惟谱乎 我族始祖才公于元季顺帝乙巳由江西南昌府南昌县徙居湖南浏阳南乡柞木岭传生二子 德政 德星迁居杨古墩杉木桥至八世 林公长子克思迁居大岭上 次子克念迁居仰山若十一世 梯公迁居沙溪 挺公四子荣浪迁居泸溪皆 克思公之裔也若 杖公支嗣迁居河岭 金公支嗣迁居东乡小塘等处 银公支嗣迁居清江杨公桥皆克念公之裔也若 财公迁居楼西岭即克禄公之裔也此亦如水之有分派木之有分枝而其本源则一也分既久各亲其亲各子其子 知末流而忘本源族属之日疏少长之无序其不由此也歟 吾家历有旧牒以联宗谊 自康熙甲寅兵燹仅存十一于千百而谱无成书乾隆三十年族伯荣汪以家谱所关匪轻互征文献而掇拾修补于灰烬之余 至乾隆四十年堂兄绍秉起而续修之俱有志未逮未付剞劂殊为憾事余忝一日之长每欲率同志谋兴盛举奈支费不给举念而中辍者屡矣兹幸叨祖

灵欣然从事者俱殫心竭力恪供厥职于本年阳月廿一日开局刷印匝月告竣猗歟休哉四百余年之源流世系展卷列眉矣 其犹有水之分而不悉其源 枝之繁而忘其本者乎 独是家谱之作非徒以生齿之繁积储之厚而尤贵 以贤豪著也 緬吾先世赫然表见者代不乏人列祖之芳规伊可怀矣 柳子语宗人曰无若泰山之麓止而不得昇也 其惟川之不已乎余请借其语为吾宗告倘能日新月盛以远绍前徽则斯谱为有光矣是为序

清道光二十九年岁次己酉十一月二十八日

十四世裔孙绍傑薰沐谨撰

旧序

夫人生莫不有知能之良而爱亲敬长之义以生因是而由木本水源之思而宗祠以立因是而有世系昭穆之辨而家谱以修二者固相表裏合而言之要皆务求其实以亲其亲也攷之礼大夫三庙士一庙庶人祭于寝去庙为祧去祧为壇去壇为鬼由今日而追维三代以上之人虽吾祖宗皆其鬼也君子小人之泽五世而斩有何情谊之相关乎是以先王之制论服止五言族止九诚以其亲止此亲之长之亦止此情无穷而礼有节也乃世之祖其祖者往往夸张前哲自诩为神明之胄而本支密邇棄若遗焉有过其坵隴松楸不翦者矣相其寢室帟幙不具者矣呜呼岂不悖哉至其所谓谱舍五服勿问惟势利是競闻其姓之有显达者相与爱敬而尸祝之推其意将使疏者亲亲者疏远者近近者远大悖亲亲之道是岂率性之谓哉诚如孔子所言其所厚者薄而其所薄者厚孟子所谓道在迩而求诸远事在易而求诸难全乖伦常之谊则抑何益之有哉

吾始祖才公原籍江右自元季始徙清浏卜居南乡柞木岭备尝艰辛成家立业奈旧谱遗亡其先世大夫士庶不得而知荣枯得失亦无从而攷所幸在后传流抄本亦止纪来浏巔末暨相传世代自元明迄今四百有余岁在昔丁口难繁中间叠遭变故死亡过半其仅存而至今者祇四传景公

昇公二支在后分为七八九甲而已其生歿葬配犹得从而稽焉 论其宗祠则七甲沙溪 梯公 后裔建有一所朔其谱牒亦惟註载 才公来浏以后世系生歿葬配以尽其亲亲敬长之义若乃舍五服九族之实系勿论而旁搜远绍背亲向疏则非所以尊祖敬宗睦族也 堯典曰以亲九族九族既睦舜典曰慎徽五典五典克从是知堯舜聖人乃人伦之至其道不外孝弟吾辈士民亦惟则古称先率由旧章何敢侈然自外忘其一本哉

道光己酉年谷旦 裔孙绍启绍松谨撰

旧序

且夫理必求其可据事必考其可详况谱所以明乎自出者乎 是以尊祖敬宗收族其事重其意深可不从流朔源因未探本而得其可详可据哉昔欧阳文忠公创立谱图甚为精详 其自言祖询琮始末世儒犹有年代不符之论甚矣谱牒之难当阙其所不可知信其所可知者而已 我姓自春秋时晋卿羊舌氏名肸字叔向食采于杨因邑为姓由春秋至汉流传 宝公及震公五百有余岁不可得而

詳即吾始祖才公自元順帝至正乙巳由江右迁瀏生政公 星公 政公生 容公 鼎公 良公 星公
生 文公 芳公 虎公 奇公或归故里或徙他乡或淹沒喪亡亦有不得而知者 惟我容公傳代至今
一脉繩承聚族于瀏已久齒系大概可知矣 梯公祠未立春露秋霜感而怵惕只得于私室先寢篤其
時食使更无宗譜以聯屬之恐代遠年湮同爲祖宗一氣之流傳者不知其分殊 而本一不几視懿親
如塗人哉 于是族等慨然興木本水源之思纂修譜牒鳩工剞劂亟附之梓周禮大宗伯以飲食之禮
親宗族小宗伯以三族之別 辨親疏譜系聯而宗族親譜系明而親疏辨尊祖敬宗收族之事豈不重
哉 今族譜之修謹依旧牒求其可據而棄其无可據考其可詳而畧其不可詳詩云不愆不忘率由
旧章其斯之謂与

清道光二十九年歲次己酉二陽月谷旦

十五世裔孫 宗庆宗思 同撰

旧序

家之有谱所以明世系序昭穆详生齿誌坟墓纪事功以传示来兹者也而敬宗收族之道寓焉故谱不可不修莫为之前虽美弗彰也尤不可不续莫为之后虽盛弗传也吾族自元季来洊逮今五百有余岁矣历前明盛时原有谱牒以明宗派其后叠经兵燹兼避滇藩之难丁男亦多转徙而莫知底止谱牒由是散亡嗣沐我朝休养之恩安土乐业宗支渐盛如瓜之绵如椒之衍振振绳绳始称巨族焉乾隆三十年族伯祖名声公见生齿之日繁虑世次之将紊乃慨然以宗谱为念搜遗编于灰烬之余详其所知录其可据至四十年堂伯醒齋公又从而修饰之彙为一帙然后本本原原昭然若揭也惜尔时尚未寿诸梨枣后人互相抄传或详其本支而畧其旁宗其于收族之义则犹有未尽焉者道光己酉乃纠集族人彙而续之仿欧苏之程式并图其祖屋先茔及祠宇節坊祀田有记卓行有传付之剞劂由是世系明昭穆序生齿详坟墓誌事功纪纲举目张开卷瞭然棣无美不彰无盛不传也不既有以继述前人而集宗谱之成哉第自己酉迄今将历三纪往过来续日新月盛人丁较繁于昔事业颇增于前所当采录入谱者为类甚多此时不加修辑必滋遗漏后之人虽欲数典而无从然则续修之举诚无有急于今者族人于是咸以为然遂踊跃从事而予兄弟实居一族之长责在主修自

维年迈不堪其任惟与族人之贤而能者率由旧章共襄其事阅数月始告厥成功非敢谓彰美而传盛也第求世系昭穆生齿坟墓事功从实纪载足以信今传后无负敬爱宗收族之意云而是为序

崑

岁在上章执徐仲秋之望日

（注释：上章：天干庚也，执徐：地支辰也。）

十五世裔孙 宗炳宗蔚谨撰

旧序

盖开国有史以纪历代之盛衰有历以誌星辰之躔次降而至于飞潜动植之物靡不有书以彙之使人生天壤间族大丁繁而家无谱上无以誌本源之所自中无以誌支条之所分下无以誌流派之所繫谱之所系岂浅鲜哉我族历有旧牒自康熙甲寅寇变悉遭兵燹乾隆乙酉年族曾祖荣汪公积学笃行有古君子风言及世系源流累累贯珠欲修族谱有志未逮嘗曰莫为之前虽美弗彰莫为之后虽盛弗传于是 自才公以至十余世彙成一牒笔之于书以遗后世 乾隆乙未年族祖绍秉公

起而增修之将合族子孙生庚名号列为草谱藏诸笥篋 迄今阅二公遗稿文光焕然莫不叹为老成典型而孝弟之心油然而生矣自时阙后至道光己酉年我族 叔宗奉 宗朝 宗蔚等思旧谱传至如今已七十有余岁 不可不趁时修纂传诸奕叶如是邀集族党缮修刷印谱牒告竣族长绍傑假我毛锥作为谱序迄今光绪庚辰又三十二年 族叔宗炳 宗蔚 宗懋等思有为之前以彰其美必有为之后以传其盛爰倡率族众起而续修之 上誌其本源中誌其支條下誌其流派一脉相承展卷列眉谱书玉成属弁数语以示来兹俾后世子子孙孙知修谱之宜亟也予不揣庸爰为序云

岿

清光绪六年岁次庚辰秋月 谷旦

十六世裔孙常璽 盥手敬撰

原序

一国之兴 有户籍之志 而后一国之人 数瞭然可稽 一族之兴 有谱牒之书 而后一族之人 丁秩然有序 谱牒所系 岂浅鲜哉 汉刘向作世本 后世因有世谱 自九品中正之法废 而私家

始各自为谱 卢陵欧阳氏 眉山苏氏 二公出而其法立 焉然犹有亲尽不书之说明 昆山归氏乃自始祖 以下世次名讳 靡不备载 近世之谱 大抵皆仿欧苏之法 而从归昆山之论盖谱之为义训 普谓周偏而无遗也 若详其亲近之人 而畧其疏远之辈 则于谱之义不合 而于尊祖敬宗收之道 亦有未尽我族之谱 前人修之祥矣始祖以前所不知者阙焉 始祖以后所可知者录焉 名声公繕稿于前 醒齋公复书于后 道光己酉 拔士公主之而哲夫公为篆修 光绪庚辰我祖文成公主之昆冈伯为篆修 今又三十余年矣 人丁较繁事实更增 若不重加修葺 则过此以往其遗漏者甚多 不且貽羞于先人 而见譏于后世哉 今年夏会议族父老命富襄主持襄亦不揣樛昧与族中文士率由旧章 殫精竭虑以底于成猗歟休哉 五百余年之旧族 由元季历明清两朝 安堵如故 今当民国肇兴又复焕新族谱是谱也 不务求胜于先人 但欲有传于后世后有作者能自出机杼 斟酌尽善则又襄之所厚望也夫

民国五年十一月 谷旦

十七世裔孙 富襄 谨撰

旧序

自混沌开辟神农习稼仓颉造字武王代纣康王封疆方有杨氏宗族我弘农杨氏既受命于天当续脉成宗继我宗室也英德始祖之成名励精图治克勤克俭治国则鞠躬尽瘁持家则苦修慎行竭力殫精明察秋毫之睿智示我族之风范彪炳史册光照汗青先有继业喋血雁门后有再兴恨卧商河隋有炀帝力拓南北通塹亦为后人传颂乃至辛亥风云武昌首义亦有我杨氏子孙舍身取义投笔从戎东方既白雄鸡报晓我杨门热血男儿心系社稷追寻救国真理或转战于黑山白水或丈捷于平型关上或御敌於鸭绿大同江上还有莘莘学子跋涉海内外海人不倦孜孜以求于文学科技多有建树当年金陵三杰声名远播洵传至今仍乃后人称道可见一班由此观之自么弘农分我定才公以来世事多变历经沧桑而我宗族庇先祖之荫德以博大之胸怀海纳百川鹰击长空天变我族之德不变道变我族之行不变以我袞圣贤之德行应变幻之风云文韬武略定国安邦英雄辈出建惊天地泣鬼神之伟业涌涌浩荡之历史长河中堪为中流砥柱也为彰祖德先人多效欧苏之法将杨氏人丁辈序尽频频世浩繁之典籍多已失考我杨氏子孙繁衍无法一一尽录经各支祖妣居各地乃自立门户分而治之是为分谱横头支谱定才公自洪都迁于浏南传于今已二十四代

矣历有数百载其中间族人多次修撰谱牒使我杨氏宗脉得以追续至民国五年富襄等修订谱牒以来至今已八十年矣期中多经变故尤遇文革浩劫我族宗谱险遭流失然我杨氏既为大族当不乏有识之士殚心竭虑将先人遗本悉数保存得以传至今日实乃我杨门之大幸矣今逢盛世谨将四支联谱统一谱派我杨氏焉能使祖德蒙尘继续重修谱牒以示我杨门之源远流长承上启下继往开来以纲为鉴可以正衣冠以史为鉴可以明事理以谱为鉴可以振族魂我杨氏子孙谨遵先祖遗训光明磊落求实进取将我先祖精神发扬光大以振杨门声威特作此序以志后人

公元一九九五年岁次乙亥谷旦

二十代嗣孙 庆松 庆宣 庆成 谨撰

历届凡例

编自首世系源流欧阳氏苏氏例也次家廟图尊祖敬宗意也祭仪附之次遗像僉见忝闻意也赞附之次莹墓图懼湮也墓誌附之次祀田记重报本也九峰寺白石庵图记附之次学田记崇文教也次五服图辨隆殺也次家训昭劝懲也次制书纪恩遇也次家传尚贤也寿文挽词附次排行联属宗派也次世系图似续无穷之思也次齿錄序长幼也

谱称族谱明其为一族之公也冠以浏南别于同县而非族者也曰某房曰某支曰某属详其分派也世系图格尽别起者重书一世遵欧阳氏例也齿錄序长幼而仍分房分支遵苏氏而参以己见旧谱例也

书名字谱首书名有字号者兼注之无字者记以方空不敢妄拟也一派祖讳理所应避其有旧谱未避而此次仍未兼改者於名侧注某字示他日之更改也共派同名者或易之或以同音字别之歿者仍之生者易之长者仍之幼者易之有爵者仍之无爵者易之从旧例也

书生歿明代人冠以明字清代人冠以清字书其年兼书干支民国成立以来遵用阳历某年月号不书干支旁注干支阴历某月日阙月日者但书某年年亦阙者书生失考歿如之俱阙者书生歿

失考皆闕疑也

书寿年六十以上曰寿六十以下曰年重高年也未滿十三岁者曰殇悲短折也

书葬地曰附葬子於父母妇於姑孙於祖皆曰附兄弟姒娣曰并夫妇曰合遷居外地而归葬者曰反遷葬者曰改无考者书地闕其有考而未及考者书未详皆纪实也

书妻妾一娶者曰配某氏重婚者曰元配某氏继配某氏由此三婚曰再继某氏四婚曰三继某氏照数次第书之皆以明所娶之正也未娶者曰聘妻某氏以未成婚也妻或注次第并注其父讳佚父讳者书其里居亦可妻有子者注生子几妾有子者书侧室某氏母以子贵也无子者书妾某氏无益于我也妻改適者书生年歿葬不载不终于我也夫在被出者生歿葬皆不载见绝於我也娶童女而殇者但书娶某氏女殇以未成妇也

书子女異所生者则異所书不忘所自也一产两子者曰孿生殇子但注明于父下不自见于谱以未成丁也旧谱有自见于谱者仍之不敢削也女子注名并注其夫名里居又或注其夫之父讳详外戚也佚夫名者姓下注曰某而已重適者不书后夫懲不一也然夫故家贫而改適有子者则注其后夫亦可书承继所生父下书某名出继某为嗣所继父下书嗣子某系某之子入继一子并两祧者所生

父下书子某兼桃某为嗣所兼桃父下书以某之子兼桃其子谱首书某之子兼桃某其孙谱首先书某之孙后书某之几子皆示以所自出也歿而无嗣者书止无子而妇守节者虽未立继亦不书止宜有嗣者也

谱法皆称名临文不讳也序述之文则称字佚字则名辞穷也其长於我者则曰公妇曰某孺人某夫人皆尊之也阵亡者必书表忠也节烈者亦书勸贞也五代同堂百岁上寿者皆书纪当时之人瑞高一族之家庆也其他善行異能及一节可録者著以列传存典型而为后世法也

弟有犯忤逆重罪经族擯出者但注名于父下不自见于谱示惩也伏法与负罪捐生者书歿不详示警也外出未归者书其地为后日子孙归宗之徵信也无地者书地阙存而有待也倡优隸卒不入谱懼辱亲也抚異姓子不入谱妨宗也